

四庫全書

史部

欽定四庫全書

史部

欽定八旬萬壽盛典卷

一百一

詳校官通政司經歷<sub>臣</sub>郭祚熾

欽定四庫全書

八旬萬壽盛典卷一百

歌頌 二十

萬壽恭擬連珠三十二首

謹序

內閣學士臣玉保

粵惟太極函三布懿純于壽宇乾元用九昭茂育  
于貞符累洽重熙照世炳洪暉之耀含淳詠德垂裳  
光火道之謨欽惟我

皇上衍緒承庥綏猷建極光昭

泰運瑞集

昌辰綿

寶構于中天閔區曼壽鞏金甌于萬禩慶會凝禧西寓歸  
仁敷天衷對夏諺普由庚之祝

春祺沛令甲之頒聿瞻景度于璿璣聲昭邁駿爰紀嘉  
祥于金鑒化洽龐鴻欣茲周伯徵符軒紀增

八旬之筭况復堯階臚頌箕疇備

五世之堂

臣依景

貞圖攄忱

壽牒偕歌衢于率土謹攬韻以連珠其詞曰

臣聞四時為柄體元同蕩蕩之天三辰昭華負扆  
厘孜孜之日是以苞符介景並悠久于兩儀圖筭  
延洪協康寧於

八表

臣聞位育中和玉燭炳無疆之治春秋溫肅瑤樞

彰廣運之方是以

健法

天行瀛宇胥歸怙冒寅孚

昊眷

淵衷彌凜幾康

臣聞承

天之祐寶系儲庥率

祖攸行璿圖膺祚是以冠裳由舊崇燕翼于

英謨騎射宣勤式

鴻儀于記注

臣聞矩法規圖劫毖周於總宙天臨海鏡孚惠徧於蕃畿是以聽玉漏以

披章深宵達匭啟銅扉而

蒞政未旦求衣

臣聞安民則惠爰徵四達之庥大德曰生式溥中孚之化是以雨暘時若沛

闡澤以如春政事懋哉彰休和於有夏

臣聞天璣甄度柏梁肇始宸章帝範崇謨玉海先  
編御集是以丹書翠篋

經綸高金鏡之篇譽詠唐歌

魏煥軼雲珠之笈

臣聞黼座陳謨三接廣延於晉畫金華顧問四聰  
上達夫璇穹是以道原於天

銓鑑仰奎文之煥言衷諸

聖高深欽

皇道之融

臣聞書倉縑素義海文河冊府編摹天色地絡是以蘭臺排架倅縣圃以三成芝樛充厨峙神州之七閣

臣聞溯雕鏤於長興鈔胥比捷盛校刊於端拱削氏相沿是以槧仿荆溪石室

記五經之萃珍儲

天祿書林廣萬本之傳

臣聞蘭亭八柱羅墨妙而星輝瓊笈三希排寶章而錦纂是以寓

璇題於石墨綏豐標快雪之堂啟瑤篴之琳瑯篆額陋停雲之館

臣聞蕭斧袞章筆削繩乎玉尺芸籤縹帙權衡協以金模是以鳳紀提綱翠牒正編年之統麟書衍緒

丹臺垂經世之圖

臣聞刻玉遊河風雲翊乎宸駕披圖巡洛衛仗拱以鉤陳是以

命倅展儀鷺嶺則閣名領要

入疆浴岳龍泉之堂署行春

臣聞秋補春原習祥郤室雲瞻日就視典堯亭是以泮水文壇杏參天而布藻臺懷佛域蓮迓

蹕以含馨

臣聞三疊消息潮起伏於鹽官九曲支流漲渦盤  
於淮甸是以連排鴈齒海塘鞏此以梅樵宣洩龍  
門河軌安趨其竹箭

臣聞陶邱利導濟緣伏見而為滎灞漹分流涇本  
澄清而別渭是以辨荷汾之分派遠箴桑杜之訛  
訂孔鄭之微言始別淄澠之味

臣聞蒲昌之海河乃導其重源桐柏之山淮匪潛  
于雙井是以槎尋博望崑崙伏鹽澤之流經注道

元豐水析胎簪之嶺

臣聞天山北界廣徵兀格之言震旦西通重譯支  
那之義是以龍沙式廓葉爾羌志乃同文象教洪  
宣土伯忒經曾受記

臣聞輯瑞金山叙渠搜於禹會獻琛蕃國來西旅  
於周京是以準隸衛拉布帖圖

錫伊緜之號藏通宗喀廓爾喀展歸順之誠

臣聞有征無戰如時雨之行師惟斷乃成儼衝風

之振擇是以石峯電掃威塘谷以

天弧鹿港烽銷靖鯨波于海若

臣聞驃樂狼歌道通鳥譯鱗趨鳧集狀猷鴻臚是以遠奉龍函憂里則齋心日域虔朝

鳳闕富良則稽首星樞

臣聞編弇山之玉簡版進益疆臚宛委之銀文圖呈括地是以

宸居星拱黃輿增度邑之篇亥步區分赤縣廣元和之

志

臣聞發言為詩三類諧夫頌器德音謂樂九韶譜  
以中聲是以連類含章按譜悉睢麟之意象容表  
慶升歌皆鸞鳳之音

臣聞堯韭禹糧粒食豐于四融白芑丹蓂農祥卜  
以千倉是以

再謗漕儀藏富倍九年之積

四蠲丁賦屢豐

錫萬寶之穰

臣聞韶華虞館左制肇乎環林纘武岐陽獵碣森  
乎璧沼是以

觀文成化三雍拓豐鎬之規釐舊增新十鼓爍  
星雲之藻

臣聞連科錫羨茅茹共拔於新恩特奏升名椿算  
咸成夫茂典是以雲章倬漢作人徵

壽考之祥燕榜引年造士廣春秋之選

臣聞歌風解阜撫五辰而庶績咸熙思日贊襄綜六典而百官以治是以鵷班懋賞署銜榮進夫升階

鸞誥馳封鈿軸

恩推乎錫類

臣聞歌駿發以祈年神猷協契美鴻釐而薦祀令序登豐是以

望秩燔柴瓊乎遍懷柔之

德先河後海

琳壇報率育之功

臣聞龢神舒壺三壽集于福衢  
覲齒蓂愉千叟翔  
乎仁路是以歡騰人瑞  
耄耆祝

軒頊之年義闡

天言更老訂星辰之誤

臣聞鷁林鰈水職方呈土訓之書  
颿海繩山王會  
集爰閭之幣是以

龍光萬國稱觥則樂奏雲門鰲抃千班奉賁則人來月竈  
臣聞春臺皞皞與物咸熙綿宇閭閻諸福畢至是  
以承

暉光而訢藹義門萃族姓之居洽協氣以適翔慶牒  
錫曾元之瑞

臣聞三象騰輝升恒頌夫天保九功攸叙莊敬昭  
其日強是以

皇極欽敷螭璽鏤

八徵之篆

昌辰樂愷鴻圖申

五福之堂

臣聞乾闥坤樞晏粲

皇儀河慶山呼駢蕃

壽祉是以三三積黃鐘之數以莫不增五五符大衍之

圖自今伊始

萬壽恭擬

八徵耄念頌九篇二十八章

謹序

內閣學士臣翁方綱

皇帝御極之五十有五年恭逢

八旬萬壽慶辰

皇上

御製八徵耄念之寶記

錫訓數言推本箕子陳疇之旨與前此

古稀天子之寶

猶日孜孜之義

五福五代堂之義相為經緯表裏光煇炳煥照耀天地

皇哉丕天之大律遠古以來所未臻已

臣

謹案尚

書正義曰庶衆也徵念也王者用九疇為大中五  
氣各以時來所以為衆事之驗也蔡沈書傳曰庶  
徵曰念所以省驗也林之竒尚書解曰五者各以  
時至無過無不及各得其多寡先後之序蓋疇範  
之精微托本于

君德以

皇極為九疇之中而以

念徵為九疇之實事也然自古傳注諸家遞相推行義

蘊以為禹傳于箕箕傳于武而已未有

躬行實踐

親履厥祐

親敷厥訓如我

皇度越千聖貫疇福之大原者也先是有

御製讀洪範

著論深切發明兢惕敬誠之旨蓋

皇上敬

天法

祖

勤政

受民翕受卑厚諸福之物可致之祥莫不備至

文教之宣

武功之暢

教養之經綸

膏澤之優渥與歲增多與時增集

恩言春煦

綏多祐于衆兆民復

詔普蠲正供

開鄉會恩科麗鴻協氣浹于海表遠藩歸仁稽首

闕下懽忭之誠四遠市應九寰承流鄙屋壽民年逾期頤

欽定四庫全書

卷一百

暨薦慶曾元者各以千百計駢疊受祉遶

慶霄而騰喜氣

皇上猶復兢兢戒慎求寧求莫黜繁文崇寔政

宵旰精勤

六飛巡泣

鏗泗水之鐘琴

勒辟廂之籥鼓

元音壽牒

寶典瑤章貞符叶貫珠躔璧合自有書契以來丹甲秘  
寶所紀于

今徵寶矣

臣

竊嘗綜研諸儒洪範解詁無若朱子之

言曰人君履天下之至中有天下之純德立至極  
之標準故必順五行敬五事以修其身厚八政協  
五紀以齊其政然後至極之標準卓然有以立乎  
天下之大中使夫四方輻輳面內而還觀者莫不  
于是取則焉此蓋皇極之所以建五福之所以歛

而即庶徵之所以念用也

微臣

伏思聖經疇範攸

叙之旨今于

聖人

躬行之實事徵之自古諸儒或得窺見其理而不能恭

逢其事

臣之愚陋得恭逢

聖人而不能闡揚萬分之一

臣

竇慙悚不敢安敬繹範

疇之義撰頌九篇仍于每篇之首謹為小序依九

疇之次

臣謹案箕子陳疇始于一五行我

皇上聖德同

天天德之要

念徵之本為疇叙所資始謹撰頌四章

欽惟

聖皇體

天錫極洪鈞一氣

萬福是式體信達順各以其職

萬福之會會于

至德

一章

惟和惟脩彙于六府惟功惟叙

五德斯溥

至德

至誠旋宮應呂太和保合承

天之祐

二章

斗為帝車運乎中央節均四序昭被萬方中和位

育玉燭道光

延釐申之

曼壽無疆

三章

受釐熙載載

撫五辰日用飲食

錫福庶民

至誠之徵

健行日新得

天以照

萬福長春

右頌第一篇四章章八句

臣謹按箕疇次二敬用五事以敬為主合于

聖人致福之本實為

念徵之恭謹撰頌四章

聖德之基

聖敬主之

聖學之本

聖敬聚之

聖祐之源

聖敬溥之

敬用之實惟範疇叙之

一章

聖敬日躋敬

天法

祖

聖心勤民

無逸作所以貫萬事以凝

萬祐

孰兩用中圓規方矩

二章

惟律惟度至精斯鏡惟物惟則大中斯慶疇範之

要基于

作聖

聖祐之薦闡于

用敬

三章

九思四勿魯論歸仁千祥萬善

聖祐日新道之大原推本于

修身福之大本合撰于

大人  
四章

右頌第二篇四章章八句

臣謹案箕疇次三農用八政孔安國傳曰農厚也

馬融注曰農為八政之首故以農名二義蓋兼資

馬

皇上念切民依為

念徵之本務謹撰頌三篇

帝念阜農康功田功惟

醇化時醲惟

湛恩時庸黎民時雍教養攸同既聚而豐百司百工備摯于

皇衷耕鑿胥從胥叶於大中

萬福攸崇

一章

帝綏百福

帝總百祿三農九穀萬寶時熟黍稷種桂禾麻麥菽彊  
遂畛瀆利畎以膏沃

帝咨于司牧宅里善俗則民用親睦胥戩穀是薦

二章

正供

普蠲屢遍于普天

帝心浹于農田土宜胥便歲功聿宣畎涂山川畊讀誦

絃里豆庠邊考藝興賢

覈實凜其權

化工陶甄

多祜萬年

三章

右頌第三篇三章章十二句

臣謹案箕疇次四協用五紀孔傳曰協和也蔡傳

曰五紀曰協所以合天也

皇上念徵熙績協

天人之應謹撰頌二章

帝念福之微

帝挈紀之成

錫極均平以

握璣衡四序時行百嘉時榮百度時貞庶績時凝一本于

至誠

行健元亨品物流行利貞性情

六位時乘萬物由庚

菲祿茂承

經緯升恒

一章

斗樞珠光挈魁戴筐節度陰陽

六飛集祥

協時月日之章

協律度衡之常熙春澤滂律筩鏘鏘吹布于萬方岱宗  
蒼蒼大海泱泱洙泗之鄉金絲之堂

奎文裔皇慶歲豐穰胥樂歌

壽康

二章

右頌第四篇二章章十六句

臣謹案箕疇次五建用皇極曰皇建其有極

念徵之建也曰欽時五福用敷錫厥庶民

念徵之錫也曰皇極敷言是彛是訓

念徵之訓也敬惟

乾坤之容

日月之光非語言文字所能繪也謹撰頌一章

昔唐虞之治曰執中用中惟

聖合揆

心法攸同而

聖心之精一益仰叶於

昊穹惟

聖念徵惟

天比崇

念念疇叙

於穆昭融是以立大中之極至觀彛範之會通高明博厚

悠以延洪會極保極釐工亮工杓建星拱海滙風  
從河洛會于中五律呂統于黃鍾五行總于大極  
五福萃於

皇躬萬里會原萬川朝宗

萬福偕來萬國呼嵩

右頌第五篇一章二十六句

臣謹按箕疇次六又用三德傳謂又以治民也敬  
惟

皇上又安海宇為

念徵之實用謹撰頌二章

帝念徵無頗

建極中和台垣戕戕萬象包羅剛柔弗過正直弗阿

大化漸摩慶民有那瀼瀼

恩波

祐脩且多

奉三同科吹萬載歌

一章

帝念徵無斁

中和錫極納民範式軌物咸則平康正直剛柔弗忒無  
偏無側規矩繩尺惠此萬國純嘏千億以釐

萬福以乂三德

三章

右頌第六篇二章十二句

臣謹案箕疇次七明用稽疑曰康強曰逢吉蓋

聖人心與

天通為

念徵之實驗謹撰頌二章

帝念

天之謨

心

天之心鑒銘規箴

顧諟惟欽

至誠照臨

帝謂聞音接以

精忱切民隱之深和氣所歆

錫嘏壬林民氣樂湛遍海涯山岑

一章

帝念

天之載致

天之瑞豐穰滂沛

景福攸介

精誠所會胖蠻如對

萬福來會與

穆清一氣

慶祺蒼萃

醇膏普賚光被周暨環薄海內外

右頌第七篇二章章十二句

臣謹按箕疇次八念用庶徵傳釋詳矣未有以

聖人履

天位

篤慶

念微如我

皇上

德福兼備者也謹撰頌五章

惟

聖念微惟

聖至誠

至誠之

念與

天合并召律調風寒暑雨晴貞恒之驗久道之成以時來叙訢合于

昇平

一章

惟

聖念徽惟

聖念敬庶微之念驗于庶政

綏猷

綏祐單厚保定

五代同堂八方同慶

曰敬用之實功

曰肅又哲謀聖

二章

惟

聖念徵惟

聖念典

日月光華

乾坤合撰

手釐四庫

道賅萬卷岐陽籥鼓其光大聞郁郁增新煌煌

寶篆

三章

惟

聖念徵惟

聖念用以

熙庶績以綏萬衆撫字柔懷同文一統捧觴喜氣普天  
來共

長春瑞靄普天合頌

四章

惟

聖念用惟

聖念徵煌煌

寶篆惟

天慶之承

奎文作記惟寅惟兢

壽牒瑤章霞蔚雲蒸

道光蟠際與歲日月俱增

五章

右頌第八篇五章章十句

臣謹按箕子陳疇摠括於九五福

聖天子

五福名堂

八徵篆寶質之經義

心印揆合

天作慶符謹撰頌五章

聖皇錫福

聖皇錫德

五德之崇

五福之則

五福堂開

多福增益胥于範之錫胥于

德之積是九疇之本是

萬福之式

一章

聖皇錫福

聖皇錫政

實福之本

實政之應

五福探原四時為柄一氣環瀛粹精如鏡是攸叙之準  
是

念用之證

二章

聖皇錫福

聖皇錫訓

讀範數言

兢業戒慎

惟日孜孜

健行益進惟

錫訓之式行惟經義之協順惟疇範之會歸惟

帝德之廣運

三章

聖皇錫福

聖皇錫瑞

欽定四庫全書

卷一百

科詔

蠲詔

沛綸

沛惠壽民壽世萬祥來備梯山航海環踵拜

賜呼嵩之聲盈乎天地

四章

聖皇錫瑞

聖皇錫疇

五福之蘊

陰陽所酬禹以傳箕箕以傳周  
聖皇兼之

敷訓綏猷於萬斯年

萬古是道

五章

右頌第九篇五章章十句

八旬萬壽盛典卷一百

欽定四庫全書

八旬萬壽盛典卷一百一

歌頌

二十一

萬壽頌九章

謹序

內閣學士臣李潢

臣聞壽為仁徵福以德致詩書所紀祝嘏之詞莫備於天保一篇而天人相感建極錫福之理則洪範為尤著竊考三五以來其間受篤祐介純禧者

莫不顯奕當時垂光簡冊以熙鴻號於無窮然求其  
天人協應諸福畢至擅古今未有之隆足以鈞陶  
軒昊而高視奕禩者固曼乎其未之有聞也欽惟  
皇上德備中和

功兼參兩

文武聖神涵育四極維茲八月恭逢

聖壽八旬大慶日光華瑞應昭著嵩呼華祝中外相  
屬象勺之童黃髮之叟壤歌輶曲徧於衢野九譯

之使越裳之長獻琛效賁奔走偕來凡夫圓頂方  
趾秉有血氣心知之性者以下逮乎跂行喙息蠕  
動蠃飛之倫蓋莫不饗乎鼓軒乎舞斟酌醴化矣  
於斯時也句臚傳響殿廷濟濟儀式明備虞韶協  
律奉觴上

壽

宸衷悅豫

播澤寰宇偕登

仁壽數天之慶萬國臚歡英聲茂實洋溢八區臣竊惟  
皇上久道化成億兆之衆已安衽席而

聖心乾惕

懷保彌殷舉凡閭閻之計雨暘之期動闕

宵旰

賜復蠲租之

詔頻年下逮河防海塘諸役

睿慮周詳規畫盡善是

天行之健之見於

涖庶政

勤民事者固已纖悉靡遺而

郊

廟

藉田

經筵諸鉅典咸

恪勤將事無間寒暑今歲二月之吉又復

升香東岱

釋奠孔林

蹕路所經

省方觀民蓋

聖天子懋舉崇儀罔自暇逸殊不以為勞也夫以重華  
之德耄期倦勤尚煩咨儆

皇上敬

天勤民事必

躬親

至誠悠久

莊敬日強古人有言賢於堯舜遠矣詎不信歟故以

湛恩汪濊中外禔福

威德所加遐方慕義其大者則準回二部入我版圖列

屯相望土爾扈特遠踰絕塞全部歸誠前後兩藏

之衆宣揚梵唄上祝

蕃釐大小金川及各土司古所稱叩焚冉駝之地攜負

老幼効誠溪峒緬甸荒徼騾樂花象奉表獻臺灣

闕廷安南僻壤懷

德內向不戰而服襲我冠帶北面蛾伏其他若高麗琉  
球諸國之舊列王會者更未易悉數也是以協氣  
翔洽潤澤豐美泰和嘉貺醞釀冲融

聖人曼壽合撰清寧

五福五代祚流萬葉遐邇承

恩舍和吐氣期頤大耄鳩杖為羣而各省大吏以魯元  
繞膝入告者且源源而來未之有艾也斯固非雕  
績虛辭所能潤色矣然則祝

聖祺者自今以始齊軌周雅合符箕範履日月升恒之  
運備

康強逢吉之占不誠

萬萬年莫之紀極也哉

臣幸際

昌期謹獻頌九章以合詩人九如之義庶幾

盛德鴻庥畧陳萬一其辭曰

帝貺嘉祉惟

天佑

聖瑞協珠囊祥開金鏡泰元神筮

錫羨增慶翕受敷施各正性命

一章

穆穆我

皇布澤如春八荒戶牖共荷

陶甄

文德既昭率土歸

仁干羽兩階用懷遠人

二章

逖矣遠人

天恩廣被月窟西來朱波南至九賓列庭萬方輯瑞同

祝

大年梯航咸萃

三章

維此安南古之交州鱗介衣裳

聖德懷柔遠踰九真拜獻共球

壽宇熙熙鳧藻

鴻猷四章

二月之吉介

釐岱宗東國

展祀化洽鼓鐘

省風圻輔籲俊劬農謳吟禹甸舞抃堯封

五章

習習和風祁祁甘雨蕃我黍稷盈我倉庾百穀用

成五辰既撫

帝念八徵永承

吉祐

六章

泰平三登民生樂育

帝德覃敷

蠲租賜復

恩明行葦歡騰棧樸蹈德詠仁受

天多福

七章

猗歟

聖皇

五福五代祥衍

天宗禧凝

昊綽

錫厥庶民黃耆鮐背曾元繩繩

帝用大賚

八章

天行維健

聖德同

天百福之宗

寶筭洪延瑞啟圖牒頌洽垓埏

錫祉無疆於

萬斯年

九章

萬壽頌九章

謹序

左副都御史臣陸錫熊

臣聞碧廬首出億齡儲玉券之華龍岳時乘兩大  
配雲章之治握巨象而體太極撰合神元調鴻氣

而受真符權操法攬蒼牙推策衍八八於河圖元  
律通微乘五五於歲紀枋成鳩之沕穆寶籙天齊  
邁比翼之真淳旋支輟轉斯則紀鳳蜚麟之后尚  
遜陳樞戴干荷勝之君猶慙凝化卓蹤冠德事眇  
前聞流祚延期道光司契者已欽惟

皇帝陛下體乾廣運履泰重熙瑤光彰紫氣之祥星虹  
沓彩琦表應赤圖之瑞雲日騰輝九五陳疇富壽  
與康寧並嚮八千紀牒春秋偕元會俱長大同廊

無外之模時雍風動諸福際畢臻之盛山鞏川增  
惟疑承顧謨之本於

一心知保右命申之必歸

大德粵自

七旬初介撫宮之

謙德彌彰當夫四海來同率土之殷情未展仰穹蒼而  
愈峻莫窺一氣之旋望瀛渤以增寬但見萬流之  
赴畧舉十年為斷用徵百福之同爾其蒼壁黃琮

歲承

嚴祀雷鼓靈鼓

躬致精煙節登降之縟儀禮時為大薦馨香之

至德誠壹則孚義取乘陽

祈歲定首春之制職勤抱蜀按年秩

中祀之文繩

大烈以仔肩

實錄則排晨遽閱衣

德言以垂訓

前謨則敬告毋忘成

方畧於瑯編善述盡

覲揚之義繪

鴻勳於寶帙赫聲昭震疊之威選粹實以鏤

藏稱厓惟德致紀土風而懷故俗物識心臧至若

心乾惕以救幾

躬旰宵而明作總綱維而在握

無逸精勤運樞斗以

居尊有常悠久延對不遺䟽逖

詒詢而觀聽咸周奏章靡間營園

批覽而隱微洞燭開物成務四方仰

綸綍之宣彰往察來萬里等戶庭之視

省方展義奠海

觀河籌樂利於窮檐為民殷望靖波濤於澤國法

祖時巡

升泰岱者三

瀛澤春敷於閭澍禮臺懷者五瑞光宵見於金容湛汪  
暢津淀西東補助徧郊圻遠近

屬車入境給復頻仍

行殿飾陳增華勿事

蹕未啟而先頒賚帑澤普汜而尤重高年若乃承

家法以詰戎順天行而

命獮鍾峰夏靜迎涼鳴古塞之鞭蘭錡秋清

講武肅永安之駕驟飛龍於峻坂壹發雙連忖伏虎於  
深叢洞胸達腋歡聲雷動忤表貉之名藩武節飈  
馳作期門之勇氣況復

大文淵富

聖製日新機運天成象鴻鈞之有宰毫揮電速綴麟管  
以無停

篇章綜性道之全始甲乙而兩編已具

吟詠括治平之要至癸卯而

四集先成燦

寶墨之騰霄上規義畫妙化工之點染時有函圖集美  
富於大成百家海滙廣流傳於中秘

七閣星羅琳瑯珍鑑古之儲璧合獨尊萃室琬琰富  
傳真之刻金生並耀周廊創

經筵於園橋四門敞闢集新篇於古籀十鼓重排若夫  
丕振

天聲重申軍律

燭光幾於萬里

密諭遄馳

握成算於三霄方行克詰掃番回之遺孽一隅梟獍胥  
殲蕩海島之邪氛兩路渠魁盡縛告武成者九安  
民和衆以為懷奉無私者三罰罪賞功之必當數  
名糧於五額餉足兵增養廉節於師貞祿優軍實  
豈僅準回兩部豐占鱗馴之屯衛拉全疆遠備鴈  
臣之列金川土宇作我邊封玉壘兵戈銷為農器

而已爾乃

堂開五福

璿題增

詒燕之光

寶篆八徵玉筋繼

古稀之刻人二千而

錫爵肆筵則行葦

恩隆

世十一以

命名衍澤則振麟慶洽啟

彤廷之臾宴杖鄉杖國杖朝開

曼壽之儒科賜第賜銜賜舉兆繁昌於比戶見元孫者  
二百家躋仁壽於寰區逾期歲者千百計居同十

世奚九世之堪誇乳報四男豈三男之足擬

昌祺習應協氣旁流於時兆叶橫庠星明見丙

袞八旬而介景

治五紀以方隆慶肇履端六合暢訢閭之氣

恩覃寰寓三元宣浩蕩之仁值四國之來庭驩臚海外  
正十行之布告春盎區中按年而遽復者三輸將  
普免

曠典實於今而四溥率均霑則有百餘旗蒙名王二萬  
里新疆屬部高句驪之舊壤暹羅斛之故封南掌  
遐陬中山絕島洮河之宣慰趙拉之土司測海占  
風舊隸職方之藉棧山軼漠來同王會之圖復有

地偏藏微允納貢而輸忱社隔屋鼇助擒渠而效  
順緬甸感戢戈之

德請封而屢使重來安南銜苴土之

恩祝

嘏而其王自至斯並居隣荒極黃軒之所未臣境處幽  
遐章亥之所未步走軍前而遮訴永作邊氓倚逆  
首以成俘願同內服奇花巨象隨鏤表以通誠綵  
綬金駝進

彤墀而謁

聖於是桂宮氣爽蘭塞秋高霄明玉燭之符日在壽星之次  
龍旂拂漢順蹕路以言旋

鳳蓋翔風望

御園而蒞止四方民大和會駢肩並華祝之忱萬邦  
來效享王黻舌輳明堂之位溢閭閻之喜氣邑誦  
塗歌萃川岳之貢珍山車澤馬蹒蹒在列無疆介  
萬壽之祺

穉穉以臨有慶同兆民之豫斯實唐虞以後絜景福而  
誰儔義昊以前較隆儀而莫匹者矣臣猥以蕪學  
膺被

殊恩奉職七閩快覩菁莪之盛紬書四庫幸依奎壁之  
光燃藜自愧多踈鈎槩昧形聲之別掃葉尚容補  
過縹緲細繡瀝澗之間瞻

王氣於大東來從

天府拱

辰居於北極祝效華封謹拜手稽首獻頌曰

白嶽凝祥黃樞啟

聖天漢源崇搏桑旭映萬福攸同億齡際盛

上下五代畧奕蕃慶

其一

卸隆五紀延洪

八旬體仁惟健恭己以寅仰承

家法上憲

穹昊不震不動之德之純

其二

知徹微彰

道兼創守蕩蕩難名乾乾可久金鏡高懸珠鈴在手

文德函三

武功告九

其三

俞河晏海析津岱宗

六巡江浙

四詣岐豐塞畋控轡雨獵鸞弓負嶠洞脇鋌險通中

其四

本身律度規天制作

寶冊瓊瑤鳴球鐘鐔園水流雍全詩譜樂庶績允釐大理

物博

其五

如保赤子不遺一夫歲有蠲貸戶免征輸四三丁賦萬

億漕租龐鴻

澤沛渙汗春敷

其六

萬壽維祺四方來賀東極諾羅西通歐邏北戶朝裾朔

溟貢馱共辰於中棗幣自左

其七

時寒時燠曰雨曰暘中宵竚報未旦

詢章庥徵叶應

睿念其震

老勤誌盛

寶璽用光

其八

景福既崇太和洋溢霽霽流虹瞳瞳瑞日匝地騰歡自

天佑吉

純嘏爾常所其無逸

其九

曰從虞夏上溯軒義德功疇儼福祉疇儀京垓衍

笑元會旋支

治億萬載煥乎巍巍

其十

萬壽賦

謹序

署通政使司通政使臣汪承霈

臣聞非雲入呂紉縵興歌如日麗天光華駐照星  
渚呈祥於軒紀山聲告慶於漢圖雍容揄揚鋪陳  
庥懿凡以通下情而盡忠孝固臣子之極思也欽  
惟我

皇上清寧合撰健順協中

巍巍蕩蕩德難名道亦難名

純純常常福無量壽亦無量發祥隤祉天人贊乎篤慶  
延洪景鑠彌幼亶其宜矣茲者歲值上章時維壯  
月

聖功以積久而愈彰

帝圖亦順時而彌壯秋分之夕嘉瑞現於弧南日躔角  
亢亦會壽星之次普天祝

嘏亘海臚歡恭慶

八旬萬壽協五五之中數通行靡窮旋八八之伶筭循

環無已粵稽簡冊年登耄耋者厥惟三君我

皇上業兼守創統合

君師勲暢聞垠功高三五漢唐以降疇得比崇而臣世沐  
鴻慈欣瞻

駿業溯

湛仁於黃閣遇並溫蘓理故業於青箱學漸義獻幸逢

千載而一時敢效九如而三祝敬拜手稽首而獻

賦曰

天佑

璿祚

聖恢

壽宇循合洛以紀年際太蒙而啟土既歌九功載修六

府風人雨人為

君為父爰自西而自東咸式歌而且舞虞虞遊原般般

育圖偉休嘉之協應蓋振古未之覩也爰稽義皞  
下逮漢唐斗樞電遠昴宿搖光輝煌金鏡璀璨珠  
囊錫嘉名於肇聖朔典禮於天長莫不侈陳悅愉  
舞蹈蹒蹒惟我

皇上之受命而篤生也日為君象會於壽星泰元廸祉  
媪神萃靈冠百王而首出齊二儀以錫齡粵溯肇  
基敷龐淳固長白峯迴混同波注仙果蟠根靈鵲  
遶護等嶽峙與淵渟實稟粹於太素及乎

龍飛御天膺圖受冊雲行雨施坤闔乾闢  
聖人之心惟精惟一法乎健行所其無逸

鸞輅龍鱗

乘輿時出致精禋於

穹昊隆玉幣於

方示上辛秉鬯吉亥推犁黃流夕緇紫焰宵輝

大圓納祿

柔祇集釐用錫我

皇上萬年丕丕基也於是建七萃以離虐駭六蚪兮沛  
艾將有事乎配林遂奄觀夫泰岱九點煙濃一杯  
海大溯盛典於紫望識王者之無外爰過杏壇載  
撫遺檜絲竹如聞琴書宛在俎豆莘莘吉士藹藹  
奏玉振與金聲共鸞髻而鳳翹道德之富辟雍海  
沅命夫惇悔師儒拔讐魏邴之屬淵雲之儔靡不  
肅雍聽講泮奭而優游於斯之時成賢述紆崇教  
歸樹古槐蔥鬱而成陰石鼓輪囷而森布伐於論

之鐘徵大昕之鼓鄒枚擅乎文章毛鄭專其訓詁  
然此第觀乎人文而猶未覩

聖人之文也

五集

二集炳炳烺烺珠輝煜艷壁體圓方輕翰飛而花籀發  
文鋒振而磬管鏘惟日新而富有合性道於文章  
蓋發前古之未發而豈臣下所能詳

文治既彰

武功時肄琴鹿六飛森沉萬騎虹旗拂天神鉦殷地嶺  
越流幹河汴伊邈周隍武衛羅列百藩秦成施力  
要趺追蹤飛者遇鏃走者值鋒齊五步與六伐歌  
吉日與車攻法文昌而命將開武庫而舉烽軒皇  
三戰姬武壹戎埽伊犁之穴銘格登之峯惟  
聖謀之英斷乃一舉而成功

神策風行

廟謨電發削平滴博掃蕩回鶻寃

聖武於河源殫

皇威於月蝟滇徼逋酋日南新款表金葉以攄誠奉文  
犀而躬獻蓋自秦遠以西邠國以東祝粟以南濮  
鈐以北咸懷德畏威無思而不服若夫數庶政之  
周詳尤不能以更僕紀綱八極經緯萬物登皞皞  
而皆春勉孜孜於惟日斯乃陶唐氏之所以光四  
表也瑞出西江貢珍闕河鐫鐘特磬樂備中和斯  
乃有虞氏之所以奏九磬也陶莊醜渠龕赭隄激

萬派朝宗河清川翕斯乃夏后氏之所以奠九州  
也聲振宇宙功不踰時陋穀宗槱伐之規焉木蘭  
按哨大漠橫秋小周宣岐陽之蒐焉務農三時躬  
耕一墾鉤盾弄田洪縻羈隰同符乎后稷經史子  
集四庫璘紛淵源津朔郁郁其文爰紹夫姬公穰  
金飢木蠲祖出穀藏富在民連登上熟勝周官保  
息之則焉大小法庶猷獄不淹中成獨督採聽克  
兼密呂刑審克之旨焉稽載籍而莫並眇古昔而

寡儔蓋

神聖之事既備而

帝皇之道周矣於是際天張而開宇亘地軸而為家通  
玉河而輦膏連渥水而來駟聯蟬封而紆綏遂開  
侯而拜牙攬舟車以遵路溯川陸之光華遂開

明堂

負宸當陽披職貢之圖藉俯列辟之冠裳展

帝容而穆穆隆上儀之煌煌蓋帶裳幅舄以入覲者如

衆星之拱北莫不顰抃羔跪而祝

洪筭以無疆於焉陳庭實列旨酒揭南斗為上尊拓西  
池為重酎玉觴既舉嘉珍時御六莖肆奏八佾式  
舞傑裔鞞鞶魚龍曼衍罔不畢具爾迺天閭乍啟  
陸海駢闐丙御乍却俞騎不前曾壇伉如彫綵繪  
飾震旦森嚴香林複疊應真八百有園布金吉祥  
現相歡喜流音緬丹青之寰宇聽宮徵之山川帛  
悠揚而告吉蝶戲舞而皆仙莫不遊青衿於唐日

而娛白首於犧年行填填視顛顛相與尊衢而賀  
曰盛哉乎斯世蓋赫胥之時所不能及漢唐靡得  
言焉然而

上方冲穆淵涵去奢去汰澹乎默浮淳乎保泰陳賓筵  
歌抑戒

綸綍宣雨露沛錫便蕃

恩湛濊給百寮士民逮免鍰租課嚴最工商惠三農賴  
降氤氲福中外履露照蹈以煦以育富庶殷寧由

於不欲瑤甕雕鏤玉山鬱崱白環珍羽寶於有德  
星雲卿景爛爛麟麟人文天文本乎

立誠雪窖冰山威稜塊圯

神武天授成於不殺惟德動天惟天佑德協應蒼絳時  
萬時億乾象運旋鑒度建極離象貞道光景曜昔  
宗河獻寶天岱孕靈山傳秘響谷動神音祝

聖人之萬壽與天地而貞恒遂為頌曰

天降祉兮媪富釐家環海兮子烝黎三年登兮洽

帝期獻貢器兮川效珍瓏璧日兮舒錦雲祚延洪兮膺  
天慶頌我

皇兮萬億年

萬壽恭擬序一首

大理寺卿江西學政臣趙佑

天祚

聖清萬年景祐

列祖

神宗肇造丕承以奄有區夏環海內外日出入之鄉莫不戴

尊嚴奉

慈怙

皇帝御極五十有五載是符天地之數

八袞既開庶徵畢來體

天行健

耄而勤念

寶章再鐫

鴻眷益臻於是

慶典紛煜

渥膏沄騰歡雷殷獻頌雲屯三多之祝願猶虛不

若我

皇之克臻其實也九如之稱引猶隘不若我

皇之克備其全也

小臣

不文誠懼誠忤謹拜手稽首上

言蓋

臣

聞六經言福壽者莫著於詩書二雅之教

曰報以介福萬壽無疆曰壽考維祺以介景福皆  
言古人君能敬天祖虔享祀有恩澤以逮下於是  
乎人和而神降之福也然考其事多為吉利成酬  
燕勞不過臣子善頌善禱之詞而非確有可命之  
名可紀之數以見其如何福如何壽也誠以福莫  
大於壽亦莫難於壽唯其不可必得而矜言之故  
洪範陳五福特先之以壽而揭其義於皇極之疇  
曰皇建其有極欽時五福用敷錫厥庶民止於至

善之謂極無所不用其極之謂建斂者敷錫之本敷錫者  
歛之用蓋由一人之福以為天下之福而即合天下之福  
以成一人之福福無窮壽亦無窮非建有極不能洪惟  
天之於人君無不予以無窮之福而獨於我

朝常旋至而立應於我

皇上更有加而無已者若

天之報之實

皇之名之

皇既無所不用其極則

天亦無所不用其極

皇之所自造遂為

天之所不違則五十五載中所以凝承

昊旣合德無疆誠有非名言所可罄非前古後今所可擬  
者矣夫古之克享福壽者莫如堯雖舜猶覺其不  
逮下此而周公作無逸舉其人則若殷王中宗及  
高宗及祖甲及周文王詳其數則或七十有五年

或五十有九年或三十有三年或五十年厥惟中  
宗之享國足繼堯後而後此漢唐以下無足繼中  
宗者即有年逾七十如漢武帝梁武帝唐明皇宋  
高宗元世祖明太祖六帝非惟建極之德本不足  
比隆即其享國之年亦不能多紀是則我

聖祖仁皇帝

聖如神仁如

天由

沖齡踐阼以至六十一年大哉誠為殷周以來  
建極之

一人也而我

皇上聖以繼

聖事事本於法

天繩

祖蓋自懋膺

主器之初即有默契

天心之祝爰以

健行不息之德益著

化成久道之符前此

寶勒稀齡積四百餘之甲子今茲

算增上壽登八萬歲之春秋不尤直接古皇而漢唐以

下之君誠有不足論者哉且夫帝王之所謂福與

壽非徒身其康強已也必將保定孔固單厚多益

遠則萬方樂化國之舒近則一家大本支之慶周

南之美文王是以由公子而兼及公姓公族說之者曰姓之為言孫也族則曾元之倫也蓋周家數世之仁具見其中矣然攷文王當日究不過詩人頌禱之詞而其實其全罕可述焉豈惟文王即上而中宗猶是也再上而堯亦猶是也下此而漢唐以後六帝尤其易見者也唯我

皇上振振之趾

五世迭仍焉詵詵之羽

一堂咸集焉而且先甲之年早麟符之特啟後庚之  
歲行鳳卜之方滋是又詩所云子子孫勿替引之  
爾雅釋之以永無極也者臣竊稽往籍多陳符瑞  
而豈如

倫序之完真上祥也

燕貽之遠展長樂也由是而

升煙以告虔則神効其靈非封禪之繁也

行慶而施惠則人順其則非驩虞之小也以至廓

聲教可訖之區來從古不賓之國一皆

聖天子之巍乎成功煥乎文章默運於無方而輯輳為  
有象者而

壽不誠臻其實

福不誠備其全矣哉然而我

皇上猶日兢兢於法

天繩

祖而不自已

臣

嘗敬繹無逸之美四人廸哲也而必推本

於知穡穡之難小人之勞一再曰不敢荒寧不敢  
遊盥皆言無逸所以致壽也我

皇上則愈壽而愈無逸書之無逸以為戒勉之詞  
皇上之無逸則為安行之至蓋

嚴恭寅畏之心懷保惠鮮之理而積之以

純常敦固之氣閱五十有五載如一日亦既萬民之無  
不和萬邦之無不正小大之無或違矣而所以致  
乾惕飭贊襄者彌無所不用其極凡見於

欽頌諭旨與夫

御製詩文所謂猶胥訓誥胥保惠胥教誨天下皆可得而喻也萬世皆可得而法也

臣以庸愚微末屢邀

恩寵謹自庚子越甲辰己三

進序冊深維

乾坤之容

日月之光雖極藻績鋪張不足以效一辭之贊唯是推明詩書所述無逸不已之理希妄測

高深於萬一今復越十年而

聖德之彌高彌劭者益非名言所能罄雖由是而  
九袞而

萬萬齡總無以易於


聖製八徵耄念之寶之至義也臣方備員江介職在斯

文敢不益勵冰淵恪遵面奉

恩訓以期仰答

壽考作人之盛是用懋竦震動寧質無華繕呈

宸覽竊幸遭遇之非常敬效賡賜於無既云



八旬萬壽盛典卷一百一